


DS
793
S32 p636
1736
v.17



册 17
卷 36:4

漢

冀州箴

楊雄

洋洋冀州鴻原大陸嶽陽是都島夷皮服潺湲河流表以
碣石三后攸降列爲侯伯隆周之末趙魏是宅冀土糜沸
泣沍如湯更盛更衰載從載橫漢興定制改列藩王故治
不忘亂安不忘危牧臣司冀敢告在階

明

菜根箴

桑拱陽

人在兩間參兩天地古今流芳志節先立立志何云咬茲
菜根爲賢爲聖品由斯存溫飽爲輕道義爲重常變死生
厥有定命嗤彼俗子外物役心聲華世味馳逐縈神自謂
從權徇欲無害靡利薰心全品敗壞得意一時失腳終身
枉尋直尺甘作小人爾欲立身菜根咬斷矢志堅貞努力
道岸飯糗茹草土簋土斲神聖爲此志氣清明陋巷簞瓢
尼山蔬水千載以來孰知斯味藜藿可採薇蕨可嘗餘芬
尚在齒頰猶香斷齏凝粥月雨剪韭道味恒親天貞嚼咀
萬變弗撓百折勿憂紛華濃郁纖芥罔留刀鋸鼎鑊學須

有主一介必嚴弗與弗取萬鍾不辨饑渴害心視彼芻豢
寧若野芹世味旣遠眞味乃出冲然澹然霧根內裕識趣
高脫骨力堅凝賢關聖域追步芳蹤砥柱波流百事可做
旋轉經綸揮霍在手一眞爲宰觸境自如掀揭事業浮雲
太虛不爲有爲不動廼動豈立天壤總此定性請貞終始
勿媿素心戒哉勉哉視爾常箴

靜極堂箴

桑拱陽

於惟三才均主乎靜太乙常居列星環共品物露生方儀
鎮定人生而靜曰維天性形生神發感物而動百慮紛雜

欲動情勝虧厥靈根全體受病惟聖立極仁義中正靜而
無偏動而順應循理爲靜從欲爲動物念坐馳齋居市井
欲寡神清虛明運用未發觀復危坐持敬艮背忘身退藏
密證晤對千秋褒彈忠佞萬物靜觀四時佳興靜以存心
天君提柄靜以養氣百體從令靜以研幾真妄炯炯靜以
接物周旋畢中惟靜則虛太空可並惟靜則明靈臺如鏡
動靜交培靜存尤重省事簡緣冥參性境勿墮頑空勿滋
馳騁龍蟄存神螻屈始動斗室吉祥百霧退聽心逸日休
神化可竟可立天心可奠民命化育流行橐籥在衷主靜

正極是謂神聖焉哉幽居二復當省

銘

唐

傅巖銘

呂溫

昔殷高宗恭默思道至誠動天天將報之以說爲瑞王在
於寢降神夢中審形旁求實得於此曾不待敷奏以言明
試以功脫刑人之衣被公衮之服授受之際君不疑臣不
慙大哉邈乎殷之所以興也若非武丁之心同乎天地傳
說之德通乎神明何感動訢合如此其易厥後惟文王以
兆用太公自漁父而登國師白旄一麾光定天下抑其隣

歟由茲而遷莫不先顯後幽右賢左德勒以漢秩束於周
行使特達自致之士無聞焉吁可歎也夫以天驥之才而
造父馭之則必翼輕軒凌高衢風翔雷邁一日千里若制
非其人服非其車忘權奇務牽束挫盛氣頓逸足使遵乎
尋常之躅則終歲疾驅望駑駘而不及矣遇與不遇又何
疑哉嗚呼見賢非難知之難知之非難用之難用之非難
特達難君人者誠以特達爲心假無殷宗之夢必自得說
不然則雖使咎夔稷契盡入其庭亦葉公之見龍反疑懼
矣况氤氲之中乎恍惚之際乎貞元九年予自錦徂洛息

駕於虞虢之間外墟瞰原髣髴其地遠跡雖昧清風若存
想說命三篇幾墜秦火百代之後德音如何乃作銘曰赫
赫湯德如日不滅滔滔商祚如海不竭發祥播氣世祚聖
哲國誕武丁野生傳說說始胥靡武丁卽祚德通神交忽
夢如寤若帝導我期於顓素有無之間邂逅相遇宵衣而
起爰得其人貌符心冥如舊君臣飛龍在天山川出雲感
激自致其間無因捨筮傳巖脫然鵬升作霖時和奮楫川
程金在吾礪木從吾繩君何言哉殷道中興元愷攀堯微
舜曷階阿衡干湯抱鼎徘徊會合之際厥惟難哉何如夢

平陽府志 卷之三十一 三
中天授神開惟賢是登道貴時達匪次勿用才其壅遏高
宗得說乃在恍惚揭銘摘光萬古不沒

宋

真宗訓廉銘

頒刊府治

周典六計吏治條陳以廉爲本乃良而循肆彼貪虐與豺
虎均肥於其家多瘠吾民縱違於法愧其冠紳貨悖而入
菑及後人我朝忠厚黜貪爲仁咨爾羣辟是訓是遵

真宗訓刑銘

民吾同胞疾痛猶已報虐以威刑非得已仰惟祖宗若保

亦子明謹刑獄惻怛溫旨金科玉條毫析銖累夫何大吏
滅棄法理逮於郡邑濫用笞箠興聽朕言式克欽止

贊

漢

五帝本紀序贊

司馬遷

維昔黃帝法天則地四聖遵序各成法度唐堯遜位虞舜
不台厥美帝功萬世載之

帝堯贊

曹植

大德統位父則高辛克平共工萬國同塵調適陰陽其惠
如春巍巍成功配天則神

霍光贊

班固

霍光以結髮內侍起於階門之間確然秉志誼形於主受
襁褓之託任漢室之寄當廟堂擁幼君摧燕王什上官因
權制敵以成其忠處廢置之際臨大節而不可奪遂匡國
家安社稷擁昭立宣光爲師保雖周公阿衡何以加此然
光不學亡術闇於大理陰妻邪謀立女爲后湛溺盈溢之
欲以增顛覆之禍虎賁三年宗族誅夷哀哉昔霍叔封於
晉晉卽河東光豈其苗裔乎

北周

成王刻桐葉封盧贊

庾信

具叔百里居河之汾帝刻桐葉天書掌文禮以成德樂以歌薰天子無戲唐其有君

鉏麀見趙盾贊

庾信

趙盾將朝端衣整笏鉏麀受命衝冠怒髮惆悵賢臣顧瞻城闕利劍不抽青槐先絕

唐

狄梁公立廬陵王傳贊

並序

呂溫

梁公以武氏篡盜國命如綴翊安宗社非我而誰是用蒙大耻履大險聳節振美以持世心閑高祖天下於方寸之

地盜力雖盛莫之敢闖周復爲唐繫公是賴後代昧者頗
歸功於五臣殊不知五臣之功公所授也客有以李北海
所傳示予者述廬陵王廢立之際見公如生貽諸將來可
以不惑敢據憤而讚之詞曰於休梁公社稷之臣濡跡應
變與唐屈伸妖虹橫天鳴牝專晨獨立大道指南生人闔
闔有期命先我時乃建國本代天張機取日虞淵洗光咸
池潛授五龍夾之以飛臨終指麾皇業再基運起身後功
成不知穆若清風嶷然宏規凡爲臣者可不度思

高中公士廉贊

呂溫

維岳降神佐唐生申忠貞自矢孝友因天德爲邦基行厚
人倫肅肅雍雍眞王者臣慶因歸妹光誕天配婚媾之中
雲龍潛會建功南海廓我無外諫武撥亂弼文開泰遏彼
庸蜀薦鍾澆李文翁之化皆掃於地申公攸徂有教無類
父子兄弟望風相媿勃興儒雅大復禮義西南頌聲到今
不墜名登元勲理冠羣吏全才大器於鑠厥懿

唐莒公儉贊

呂溫

歲寒陰凝冰雪皚皚有鳥擇木先陽春來猗歟莒公王佐
之才間運未開登潛龍臺代萬姓請命與天爲媒扶龍而

興振起雲雷權輿帝圖經始唐基始覆一簣勃焉巍巍易
失者時難知惟幾知幾其神莒公元勲

元

華池廟贊

按浮山縣龍角山東峰巔
有華池上建嘉潤侯廟

李天衢

神之乘龍兮來自穹蒼巍然當座兮萬夫瞻望聽視臧否
兮秘密難量祭之卽應兮淑靈孔彰覩其功德兮炳日之
光仰其廟貌兮白雲之鄉觚稜崔巍兮鳳舞帷幕森陰兮
龍藏崑山之石兮玉爲礎豫章之材兮虹爲梁俯瞰井邑
兮下土宮移堯率兮上方司曹居職以匡輔兮兩廡分列

以鴛行夜有幽冥之刑兮捶金鐵之鏗鏘民皆得其露宿
兮竄貪餐之豺狼山鬼號泣兮月滿長廊徒隸怪狀兮呵
禁不祥神儀莊肅兮畏以秋霜歲祀豐美兮濟濟皇皇咸
被其祐兮百沴自禳事之千載兮壽隆而康至元二十七
年孟秋下旬三日

明

寒竹贊

桑拱陽

有斐君子厥德有四吾欲友之結盟終始中虛而靜外直
而堅亭亭獨上勁骨參天吾友爾賢踈圃栽培夜氣滋長

既中且和清風透爽吾友爾養未出有節上達彌高雨雪
晦明獨立不撓吾友爾操應蟄而起遇屯而止棲鳳爲龍
簫韶時至吾友爾時竹溪六逸獎鄰於狂恐玷爾琳瑯竹
林七賢病流於放恐負爾堅剛資爾全德對我芸窗日新
月盛杏雨蓮香

松風贊

桑拱陽

習靜山齋歲寒尚友彼美君子周旋良久大冬深雪霜操
黛色森森千丈孤芳皎潔友爾高節古致臨風鶴舞琴鳴
踈濤滴翠綠蔭滿庭友爾風清鬱鬱蔥蔥干霄持正清風

明堂爲棟爲棟友爾品重蓬蒿被困大夫侈封何加何振
四序常青友爾德恒啖松茹栢病類於元賴有爾繩愆執
松談柄亦墮於禪幸有爾矯偏貞我素志法爾靜專尼山
在望檜栢同堅

曹月川先生贊

霍州學正

薛瑄

質純氣清理明心定篤信好古距邪閑正有德有言以淑
後人美哉君子光耀日新

霍光贊

王世貞

於赫孝武光承炎漢皇興四闢兆心中渙赤靈所綏天啓

輪臺顧復冲子靡慰予懷爰諏誓御爰及博陸溫恭朝夕
執事有恪光拜稽首讓於日碑乃抱孺子乃撫蒸黎民毋
枕革以卽衽席工商流通農蠶舉職褒節尚璽過封外人
孤誠上假立排三親再霽鴻慶再罹大喪九有晏然四垂
不崩黜昏立明阿衡是法勲塞宇宙忠昭日月孽由女作
禍自勢萌黃腸未乾赤族已成乾戒亢龍坤稱牝馬無成
有終臣訓千古

趙衰贊

並序

王世貞

晉文公爲三軍擇帥以謀於趙衰衰曰郤縠可說禮樂而

數詩書於是使郤縠將中軍使趙衰佐上軍王子曰成季
之世有晉政也宜哉文公所起共患厄昆季交也狐犯雖
親才實匪匹擇帥以將誰能踰之衰汲汲焉晉其素疎後
之郤縠偃然居六卿首而已退處其五氓於較勢專於集
事又其論敦本而近乎道夫自宣孟而下幾祀矣其間厄
於靈族於屠遺燼忽然迄至罔也衰實培之歟郤氏之後
與范中行氏惡而郤亡范中行之後與趙氏惡而范中行
氏亡迨其終也又併晉而亡之趙雖存其非成季意哉愚
竊謂成季佐晉他謀策未離春秋人物其薦郤縠毋論鮑

管遠可與岳牧同風吾旣嘉成季之賢而悲後之嗣者寡也追爲贊曰造父佐周俾熾厥後乃生子餘亡人是友旣匡亡人以反晉轅日子餘勛大夫於原惟楚不共侯命擯之惟原大夫侯詢任之曰有卻縠能實勝予何以中軍禮樂詩書次者上軍次佐乃衰苟利晉社遑恤其他彼趙與卻長爲夾輔諸其敗者交軋以惡六卿爲三三卿爲國雖則有國覆茲先德赫赫成季休休有容敬贊淑節敢告丞公

明太傅質菴程公贊

邢大道

司徒任官兩朝執政闔豎亂常九閹請命撻批鱗之禍身
以報主而危釋累卵之憂國以剔奸而靖論定蓋棺謚曰
忠定

又贊

三朝受知排難決疑吐膽而揚眉一疏謫奸持危扶顛捋
鬚而昂肩疇曰甯子之愚公之未死衛國能全其軀疇曰
比干之仁卽公而死殉國不愛其身以此論公是曰偉人
魏公裔人昭代養士三百年一人

范文子贊

方孝孺

霸國之士尚利與功納君於邪不思其忠孰若夫子識微
慮遠以勝爲懼勇於從善鄢陵之戰楚師大崩矢中其王
蠻方沸騰衆誇威強獨有憂色外患盡寧非計之得彼昏
不戒以幸爲常上肆下陵禍興蕭牆先事有言衆謂迂怪
深謀弗從卒履其敗六國滅秦晉亂平吳全盛之邦多忽
永圖烈烈夫子非霸者佐以道事君大臣之亞
國朝

范太孺人節烈贊

並引

魏象樞

范太孺人者前侍御今大理寺寺副裴公希度母也不生

不可以托孤其生也節不處
不可以成仁其死也烈維節
與烈終始無缺恒嶽汾流猶
神不滅曲沃男子獨非熱血
受尚方劍而弗能引義以自
決誰則巾幗誰則鬚眉請分
優劣

三陽府志

卷之三十

四

傳

明

左布政使陳孜傳

失名

陳孜字勉學浮山人少孤育於繼母范氏中成化乙酉鄉試第四名壬辰第進士登吳寬榜初授浙江慈谿知縣興學校以育賢才敦孝弟以厚風化民有濱海田歲久湮沒徵稅如故奏請除之百姓稱快大新邑學重立董孝子祠又於縣治前創建書院一所選令俊秀楊子器姚謨等二十餘人讀書其中俾名儒錢源教之暇則親爲講解後多

登第爲名臣戊戌擢貴州道監察御史將行老幼悲泣送者不啻以萬計至驄馬橋擁輿令不能卽去脫其履懸之邑門及巡鹽兩淮商人多勢要一以公平正大處之無敢犯其令者巡茶陝右用法嚴明私販屏跡時吏部尚書尹旻子編脩龍所爲多不法抗章論之悉罷黜巡按山東舉賢能糾貪墨貞度肅僚大振風紀 治初首陳十四事朝廷咸採而行之已酉陞湖廣按察司副使錄囚湖南北多所平反施州苗白嘴鼻負固恃強奪宣慰之印十餘年官不能取時天官馬文升爲司馬檄令攷提兵討之攷聞命

甚喜妻病劇不治東裝卽行及至詢諸父老得山川之形勢乃選漢土軍二萬親爲節度令四川之兵塞其南荊州之兵捍其西施州之兵扼其東自以精甲當其北苗所居之地名銀山嶺前憑大江後倚峭壁自來官兵從未至其地攷令諸軍薄暮蓐食銜枚疾趨昧爽直抵其巢賊不意我兵猝至皆驚擾四奔攷傳令曰吾所誅者白嘴鼻一人耳無預若事諸苗聞之悉解甲投戈而降擒渠惡五十人餘置不問收其所奪印五顆捷報欽賜赤織金紵絲衣二襲鈔一千錠馬公文升覆奏曰陳攷不避艱險躬抵賊穴

平負固之苗獲久失之印竭忠爲國奮不顧身若以尋常之賞酬功恐後勤事者解體於是繼加以四鈔亦倍焉且勅吏部進階值其繼母范氏卒卽解任歸服闋再任湖廣副使治已未進雲南按察使執法如山風行六詔巡撫都御使陳金巡按謝朝宣連章薦其才大可用疏竟留中壬戌當朝覲黔國公沐崑餽金三百兩弗受沐公贈詩曰明如霽月懸銀漢清似寒氷湛玉壺癸亥進陝西布政使辭不行朝廷令山西撫臣催促赴任陝西撫臣移文敦請不得已於甲子暮春始至任未幾進貴州左布政使及

致仕鄉居朝廷命有司待以優禮歲時存問嘗以天下宗
枝日繁而國家財用有限恐十年之後民不能支欲加裁
損庶民困少蘇又以宦官鎮守各省日糜廩餼而百端擾
人無益於事宜悉革去疏上朝廷不能用平生簡靜寡言
笑對妻子如賓客疾惡甚嚴不干權要居官三十餘年著
羔羊素絲之節曾祖敬祖俊俱隱德弗耀父福贈文林郎
監察御史五子大經等皆爲縣尹見與桑維翰等並祀鄉
祠

曹月川先生傳

霍州學正

翟鳳翥

先生諱端字正夫號月川本姓楊曲沃閭村人五世祖嗣以父命繼舅氏後因姓曹徙家垣曲葛伯寨曾王父仲和公再徙永寧父敬祖公徙澠池窟陀里母邵夢脩竹而生先生穎悟端莊二三歲坐必直身與羣兒立必拱手不妄戲謔飲食知孝讓祭掃知恭敬儼然有成人度父異之名曰端五歲解河洛陰陽之畫究風雨雷電雲霓之故九歲就里師讀孝經曰不如是不成人子讀忠經曰不如是不成人臣父問忠孝二道乎曰孝以事親忠以事君孝也可爲忠忠也卽爲孝父又異之十五通四書五經博及羣書

弱冠補邑博弟子同邑陳公見之曰世有好學如是者乎
以女妻之父爲建勤苦齋先生晨夕讀書其中冬不爐夏
不扇不飲酒不茹茶心無外慕手不停披坐下兩磚皆穿
尤喜讀辯惑編爲其明正道闢邪說粹然一出於正也著
性理文集力辯釋老之非勸其父勿賽神勸彭鄭二先輩
勿赴水陸會詆巫覡之誣折府吏鬼神之事請邑大夫毀
四野淫祠百餘所惟存夏禹雷公二廟爲設里社壇諭鄉
人所報焉建文二年攝澠池儒學事部使者照刷文卷以
前官違式下先生獄先生處之泰然未幾白一日家被盜

同舍廉得其人不問日以二絹訟官其人行止敗矣倡明
道學日事著述一言一行皆有規矩一動一靜盡合準繩
接人溫和不較短長不言貨利一以誠心與之輯家規編
夜行燭以啓其父作詩勸兄弟同居立誠示子孫安分建
宗祠置祭田以祀先世建義祠以祀外族邑大夫表其里
口端士里永樂戊子鄉舉第二人已丑乙榜第一授霍州
學正霍先乏人師李白雲攝教事先生至仍延同講席不
冠帶不見諸生有問據理荅之務躬行實踐四方學者日
益多霍初艱於科自是每鄉舉有人多至五六人霍人饑

分俸濟貧生勸州太守發倉粟賑郡人賴之貧不能赴任者助之客死於道者瘞之門人母缺養者周之同僚歿母老子幼者資還之在霍九年母邵孺人卒於家計聞明日遂行披髮跣足塊苦水飲途中見者感涕徒步抵家踊哭幾絕旣而父敬祖公亦病卒殯葬一循家禮不用風水齋醮負土成邱廬墓三年有雀巢兎雉異來學者卽於墓側受之制未闕霍人詣闕上疏乞復任未報辛丑補蒲州其行已教人如霍生辰不受賀祝修學宮廨舍不辟太歲不計生旺同僚友遊梓潼祠僚友禮甚恭先生曰何諂也曰

斯文主曰梓潼主斯文孔子主何事嘗論配享曰曾點顏
路伯魚父也坐兩廡顏淵曾參子思子也坐殿庭非禮也
合於殿東另祠祀叔梁配點路諸公斯爲當理一生爲其
繼母訟先生論之曰閔損王祥皆善事繼母者繼母而不
敬事視父爲何人愛親者不敢惡於人敬親者不敢慢於
人况繼母乎言訖淚下諸在側者皆泣其母子悔悟而歸
諸生有欲作佛事塋其親者以道正之有欲從母進香解
州關侯廟者以義責之霍人邢大使重修五嶽廟求先生
文皆力闢止之太學生王繼母病貧不能醫爲延醫愈之

門人卒者往吊必再拜曰師生有荅拜禮爲主其喪葬以
儒禮西安知府郭晟問政曰吏不畏吾嚴而畏吾廉民不
服吾能而服吾公廉則吏不敢欺公則民不敢犯其公廉
乎霍蒲學者服其教多毀淫祠佛像以從霍生高文質與
同輩觀樂中途返曰何以見曹先生一樵者鬻薪於米中
得金釵還其主或問辛苦得金何輕也曰曹夫子有道人
也倡教吾郡可不知化乎洪熙改元任蒲四年考績吏部
蒲霍二州人上章爭留霍先上遂復補霍朝廷由是知先
生名三命典陝西鄉試秉鑑至公稱得人薛文清公與先

生善先生築拙巢於霍庠文清爲記而題以詩晉定王過
霍延見之曰今幸識曹先生矣時先生疾王以已藥贈之
先生謝以詩王和之臬憲張公曰我編賢人錄以先生首
贈詩有心地尤如口襟懷蕩若春之句各上憲不以屬禮
待多使其子弟受學建頒書閣以貯上所頒書籍卽令學
者講習其中秦蜀齊魯燕趙之士從至數百人以文行科
名顯者甚多在霍又九年於宣德甲寅六月卒於霍先是
州大夫問疾曰大夫能寬一分民受一分之賜諸生問疾
曰賢輩尊所聞行所知已而諸諸子曰我生平不喜佛老

惡其害道也爾曹以我墓考妣之禮葬我我無恨矣與陳
孺人合葬霍東郭外子琇璟廬於墓四方祭無虛日蒲坂
謝琚爲志銘涑川范守已爲年譜涑池蒲霍皆有祠正統
丙寅翰林黃諫捐資歸葬涑池正德中大司馬彭幸菴致
書豫撫曰我朝一代理學斷自月川先生始請從祀孔子
廟庭陳建通紀日月川學行如此楊方正理學錄遺之豈
微其爲校官耶先生著四書詳說性理論存疑錄通書述
解西銘述解太極圖述解孝經解儒家宗統譜夜行燭諸
書自號伊洛後學薛瑄贊曰質純氣清理明心定篤信好

古距邪崇正有德有言以淑後人美哉君子光輝日新

韓忠定公傳

喬宇

公諱文姓韓氏字貫道別號質菴山西洪洞人也其先世
出相州宋魏公之裔也世祖永始避寇亂於洪洞因家焉
母吉氏嘗夢紫衣人來告曰吾送文潞公與爾覺而生公
父肅因以文命公名及長力於學領成化乙酉鄉薦登丙
戌進士授工科給事中初持節詣韓府行冊封禮有所饋
遺悉不受總制陝西憲臣要功致引邊釁公率同官劾之
前吏部尚書李公秉兵部尚書王公竑皆忠鯁以近倖請

訖不行相繼罷去上疏薦起辭傷激切憲廟怒幾不能免
皆勘理邊帥不法事由間道往至則盡廉其狀上之各抵
法吏部屢薦爲都給事中竟阻於忌者以九年滿遷湖廣
右叅議提督武當山兼撫流民時鎮守中貴縱虐奪民利
公至一剗奸弊嚴設禁制又節省浮費積有羨餘因易穀
萬餘石備賑饑饉改理司事分守襄南道平稅理冤勘處
爇情聲譽日起轉左叅議丁外艱終制以大臣會薦陞山
東左叅政繼陞雲南左布政使公振舉頽廢疏滯雪枉善
政居多陞湖廣巡撫都御史贊理軍務貴州都督弗靖檄

諸道兵以平被勅獎諭武昌諸郡歉公上疏乞蠲租停稅
民稍安轉移撫河南懷孟以北旱饑民多流徙令所司發
銀分賑存活甚衆屆春民方東作牛種無所於出公命官
措而給之歲乃稔守備都指揮李端貪殘暴刻公按治之
羣屬凜然陞戶部右侍郎佐尚書太原周公清冗食革寅
緣風裁益著內艱歸服闋改吏部右侍郎轉左侍郎冢宰
缺公署篆且久採資望用人藻鑑精當陞南京兵部尚書
叅贊機務至則留務一新歲告荒米價踊貴死者相籍公
咨戶曹以官軍糧俸預支三月以濟度支難之公曰救荒

如救焚民命在旦夕安能忍死以待第發某坐獲罪無憾
遂發米十六萬石米價漸平人不病糴往時留都事多可
否於內守備公一以至公裁處之上下咸服俄有旨拜戶
部尚書屢辭不獲召見之日諭以鹽法積弊欲議處釐革
以克邊餉遂陳七事一曰革開中引鹽之弊二曰革興販
私鹽之弊三曰革賤賣官鹽之弊四曰革買補殘鹽之弊
五曰革夾帶殘鹽之弊六曰革越境賣鹽之弊七曰革運
司廢弛之弊論議明切孝廟嘉納之於是數十年宿垢積
蠹搜剔殆盡未幾孝廟賓天婚喪大禮相繼屬西北邊警

告急命將出師經費不貲又更化之初賞賚繁夥公矢心
經畫供應罔缺太監苗達保國公朱暉都御史史琳奉命
討賊坐擁重兵宿留邊徼公劾奏下詔切責道士謝應循
者以齋醮盜取帑藏奏乞追究皆戚畹宦暨怙寵驕侈掠
民田產窩占引鹽及乞討織造紛然雜出公悉奏裁抑舉
正之然權幸叢集怨誹人皆慮公公不爲動明年武宗皇
帝卽位耕藉田幸太學公與九推分獻之列兩值吏部尚
書缺員言官交荐廷臣會議皆首舉公竟不果用頃之逆
瑾恃青宮舊寵恣弄威福逞其克惡納賄構獄勢焰熏天

士大夫環視莫敢昌言以排者公曰禍機在此矣若是不
言豈不危廟社乎遂糾率公卿臺諫合辭抗疏暴其罪惡
數十事請寘之法以謝天下武皇始而覺悟旋爲所惑置
之弗問瑾由是矯旨降公職級致仕又矯令落職閒住公
子士聰皆任高唐知州士奇任刑部主事瑾皆令罷職瑾
怒公猶未已復欲中傷爰摺撫部曹遺失舊事械繫至京
中詔獄考訊必置之死公與司馬東山劉公同在園中倡
和自若人服二公雅量理官狀上仍矯旨罰米一千石押
赴大同親納續以他事數次罰米二千餘石自是業產蕩

然兼稱貸以給公亦不以爲意始瑾之構公也士林皆爲公危之暨而有飛語言瑾罪惡欲陷韓某以必死人始譚瑾聞而怒少釋越二載瑾伏誅詔還公職級皆兩京科道交薦公才望氣節足勝大任遂菴楊公亦數薦之俱不報比國是既定公論大明而公老且病不任仕矣公雖家居然玉音綸章稠疊錫賚所以褒崇慰問之典蓋數十年來所僅見宜海內莫不想慕其風采也公素清儉一布帛衣至屢澣濯不易先配夫人張卒誓不再娶凡獨居者三十年好汲引後進有休休樂善之量尤嗜吟咏多至于餘首

愛作楷行細書垂老未嘗倦於學至是以疾不起有司具
奏上爲輟朝一日優賜塋祭之禮先是禮部覆議僉謂公
忠清直亮終始一節有寧武子之風疏聞賜謚曰忠定噫
若公可謂完名盛福生榮死哀者矣子三曰士聰士奇士
賢皆以科第承其家世士奇爲叅政才猷行業方嚮用於
時宇恒記公與少保先君爲同鄉交至厚宇自童子時親
承訓誨語暨長又爲公屬吏感公知愛獨深士奇以傳請
義曷可辭論曰在昔治朝必有宏碩端亮之臣蹇直不阿
屹如山嶽中外倚以爲重求之一代不數人焉可不謂難

哉觀公居鄉行履恂恂惟恐惡聲入於耳及其剔釐仕途
風節峻介聞善必行遇義乃發雖賁育不可禦信哉孔子
曰仁者必有勇也方瑾幸用時欲陷縉紳以不測之禍一
時侃侃敢言之士咸縮秘弗暇爲計而公獨忠憤自許爲
宗社鏘誅奸佞功雖不克成誠可謂偉然大丈夫矣既蹈
患難之死靡悔君子謂古之遺直維公有焉

國朝

衛侍郎傳

梁清標

公諱周允字邵孫一字斯盛世爲曲沃縣人衛之先在宋

有諱熙者居邑北有塚一區遂爲始祖後族姓寢蕃傳至
鸞舉明經鸞生卿卿生聿以明經官鞏昌府訓導聿生根
陽亦以明經由訓導爲義寧王府教授號清泉鄉里從受
尚書人稱清泉先生清泉生臨山公嘉孚則公之父也臨
山公客死江右公未十歲家徒壁立有豪者謂是兒孤弱
詎能成立母許氏深痛之矢志撫孤篝燈紡績課讀絡繹
聲與書聲相聞公漸長從表兄郝唐甫受業聰穎異常兒
唐甫稱爲偉器母亦曰吾固知兒之亢吾宗也人或目笑
之無何公果以郡錄第一爲諸生益自鏃礪每讀書聲淚

逆發庚午舉於鄉甲戌成進士出項水心先生之門向之
目笑者至是乃媿服起家金華府推官明敏仁恕多所平
反理冤疏滯案無留牘豪強咸爲歛手婺號理學文物之
鄉公餘輒進郡中文士立社講藝一時人文愈益彬彬矣
丙子鄉闈分校得人爲盛余師餘姚邵時成先生出公門
已卯應楚闈聘所收亦多知名士會紹興推官缺臺使者
檄公往攝事婺人擁署攀留以土塞門罷市二日不聽輿
出因不果行遂膺特薦先是許孽構亂撫按委公監紀輒
躬履行間深入賊穴事平褒叙壬午選授四川道監察御史

史知無不言前後䟽數十上所論列多報可中間彈大寮五人督撫五人風裁大著及遣巡關遍歷三協寧錦諸險監糾劾大帥以及懦弁無所鯁避因再劾當軸者左遷西安府知事會

興朝定鼎訪求遺逸命公巡按畿南當鼎革初崔苻所在多有人心恒擾公以敦大安輯爲務察民所疾苦櫛垢爬癢與之休息境內晏然時四方始定有司需人令長率期年輒遷去公以親民之官宜久任疏奏朝議躋之差滿掌河南道事旋升大理寺寺丞遷少卿丁母憂歸里服除補

原官

世祖章皇帝召見詢籍貫科分歷任衙門父母兄弟甚悉又扈

從南苑閱武 賜宴卽擢工部左侍郎尋調兵部右侍郎

轉左侍郎時逃人之令方嚴展轉株連公極言其弊下所

司議公數邀 宸眷方駿駸嚮用會有逃人案堂司俱得

罪公亦竟鐫秩去官遂移病歸構園亭於城隅蒔花種竹

爲終老計流連詩酒絕口不問戶外事無復當世之志矣

公素康彊健飯間發痰症而好客愛士不輟杯酌順治十

七年八月廿八日卒于家享年五十五家無長物里人罔

不咨嗟出涕者蓋公生平端醇凝重而飲人以和坦易無
城府不事生產服官數十年澹泊自甘歸田後葺舊屋居
之守薄田數十畝戒殺禽魚澣衣糲食而已居恒肅衣冠
正襟危坐臨池散帙而外無他嗜好著文集若干卷藏于
家余於公有淵源之誼長公台揆寓書函狀屬爲作傳余
雖不文謹志其大畧庶國史有徵焉贊曰當公之按畿南
也余方讀禮家居公每小暇輒過余笑談移晷亶亶不倦
余屬公門下士顧畧分忘年似以余爲可言者距今幾四
十年佩服不忘公直聲聞天下而接引後進如坐春風類

三陽府志 卷之二十一 三
若此其立朝居鄉剛不吐柔不茹可以想見矣公之弟文
清公清節表著與余同官銓署以道義相切劘終始無間
復如公之愛余太和元氣其在公家庭昆仲間也哉

明上蔡知縣許來莠傳

仇之遠

先生世晉之曲沃人字

而號來莠所爲明之上蔡知

縣許永禧者也唉先生孝友篤摯而性倜儻多權畧顧尚

氣而使酒瓊岸閎奇望之凜凜然其在萬 時爲諸生天

下無事邑人士習爲豪羣恣黨附以辰宿自標謂其中不

可無先生先生咲曰我自有事非而輩所知雖然以此一

來而而輩有事得我不與焉足矣間授徒邑之南莊日與諸貴公子處杯酒談笑一言不合輒瞋目推案起踏其座具盡糜碎罵曰忤奴乃以乃公爲仰人鼻息者耶以予視爾輩如蟻矐諸公子長跼謝過乃解而先生亦竟去其氣决如此戊午薦於鄉數上公車不第因謁銓得河南汝寧之上蔡時則明之丁戊間也後不五六年流賊亡明如潰决而是時方蘊毒於河南雲擾波飜幾無蔡可治矣先生旣之蔡受代則空冊數帙先生曰受天子命來治蔡我不治蔡誰當治者卽以厥明行踏郊野則全殍之餘於食者

殘骸之餘於兵者斷垣空井之餘於燹礫荒榛宿莽之餘
於燠潦蝨虎者白草荒原天風颼颼然先生周視嘆息曰
不是之治吾何以治蔡乎卽以其狀達諸司院道上書天
子畧曰上蔡汝陽重地其民國家休養二百餘年之民不
幸而三載七灾洊加十家八姓告絕疾痛不呼卽父母亦
不知其子之病也自八年來流寇蹂躪而人畜淪胥官軍
征勦而玉石不分處處焚燒在在屠戮重以旱魃肆虐澤
水橫流蝗蝻藁生疫癘盛作斛米萬錢民以草子樹皮度
日甚而父死子食夫亡婦饑食畢俱死間有存者鳩面鵠

形其氣奄然嗟嗟何代無兵戈何地無蟲賊何歲無火沴
從未有死寇死饑死於疵沴如蔡民之甚者也近雖奉有
兵荒州縣淮俟秋成催徵明旨而殘蔡負耒無人力田無
具無秋可俟無科可催臣竊思之與其逋而爲不了之局
毋寧蠲而沛無涯之澤夫民爲邦本本固邦寧撫此孑遺
酸骨寒心若猶以徵比爲事鞭朴日加不唯無益或且致
損恐正供之獲無多而兵餉之費更甚臣固爲民實以爲
國也書奏天子動色爲蠲積逋條遼銀七萬七千四百奇
於時賦繁征急而忽聞德音歸蔡者如鷺先生曰我有蔡

可治矣復以所見兵火荒沴狀繪爲圖冊上上司籲賑上司多以錢以穀輸諸蔡爲賑貲復疏奏其圖天子天子報聞焉而蔡人之甦也十九調停補救勸分償兌旣以濟嗇而兵餉亦取足焉以蔡所夙苦馬政協餉諸不便於民者力與上司相辯駁皆得請其所省雜徭以萬計蔡人忘亡土氛礦孽之在陳項確遂邈西商葉間者間來軼境先生團練義勇成一旅身親督厲設伏出奇擒其渠鄭桂邱二毛盛二張五平郭三海侯馭民葛化等斬之而以恩信開諭餘黨賊皆懾伏不窺蔡諸院道交章薦其才宜文武用

天子嘉焉錫之誥勅以多乃績於是墾土興學以次脩舉
入閭巷而聽之而絃誦之聲作焉先生家蔡人而蔡人父
母先生蓋先生治蔡者六年而蔡以大治矣乃無何而曹
闖復入汝當是時天下土崩勢成寇氛熾不可遏摧陷河
雒震拉歸許不浹旬而陷名城者七十餘取州縣如探物
然者是其去明亡也不二年乃以崇十五年二月二十
九日破蔡而先生死先是賊逼汝司理官王世宗與諸令
約死封疆先生許焉召畫史爲圖像題其正曰無能安鴻
雁於桐野無能滅萑苻於著城生旣瘞官苟祿死何須畫

影圖形雖子孫痛報本之末由思世世血食之未免留世
世不忠不孝之名題已秉之兩具以授子晉曰但持歸許
來第自在也晉哀戀不肯去先生諭以大義呵遣之晉歛
歔俛伏先生怒曳起之掖而捽之門外反手闔門入嗟乎
賢者固不可測今以先生之死爲至矣而其自道正有臣
事未能之戚然則死不足爲先生難也今人謂先生爲
忠臣先生在九原其以此舉自滿者也耶蔡有畸人曰秦
鎬風孤門峻顧獨心儀先生知時事之不可爲而若人之
將以身殉之也訣之以書曰天厭中原降斯羣醜收

潰都邑未已也今且播虐宋墟肆荼穎水汝蔡一帶殆之
殆矣致厯我明公隱憂戰旣不能守又未可日與邑父老
子弟慟哭言別誓致此身以報君父賈大樹云桐棺已具
摹像已成雪夜揮燈真不知其涕之何從也大義孤忠照
天耀日事小定敢不礱片石記之如鎬倉家百口半處邨
山半棲荒野身攜二小孫寄此危城貴賤尊卑各持異議
萬無生理垂老一軀不知填在何所闌幽恤孤亦望明公
在念惟宗與鎬愛先生以德惟先生不嫌死生之言迄今
書贊襲藏家廟爲許氏弓玉間一出篋其龍鸞日星之氣

使見而讀者敬愛徬徨太息泣下至於慟哭噫吁嘻古之
遺烈惇薄立懦興起百世之下其此志也其僕盛竟能全
縣印歸官護先生觀歸里余聞之蔡人張沐曰方賊之過
汝也蔡唇齒地皆報壞先生治城隍實廩庾謹邏誓衆以
孤城抗賊賊五來五不得志創巨患深語俾上人曰若善
守明以大勢至盪此地爲血池矣賊去而蔡人大懼洵洵
然或說先生以徒死一城生靈無益者先生默然迨夜而
蔡人空城出詰朝雞犬無留者一門生已出城行數里心
念先生復隻身提槊入迨衙宇闕無人焉入至廨有皂隸

伏門下其人

則又先生所素服惡者其門生曰爲誰曰

來視而公皂

隸手指之門生趨至堂上則先生盛服瞋目

坐案秉兩燭

其利劍其間門生拜起立說先生全身去先

生不答門生

涕洟再拜起復理前說先生終不答門生掩

面慟哭曰棄

元生去矣先生乃大聲曰去門生復取槩倉

卒而出而賊

已有至者矣先生則仗劍自裁血披襟而持

劍坐如故賊

疑之乃知其不生也相與咋舌戒毋犯或

有拜者唉此

元生詳確死狀也或曰先生蓋不死皂隸曰

公之死我親

見之而何以云生嗟乎先生之死與生彼皂

隸者何知哉

少師衛文清公傳

葉方藹

公諱周祚字聞石姓衛氏山西之曲沃人也少爲諸生有聲
崇、丙子舉本省鄉試第一登進士除永平府推官
歷戶部主事員外郎中見時政亂棄官

世祖皇帝既定天下求人材可大用者廷臣薦公卽家起故官

調吏部考功司郎中改文選擢太僕寺少卿累遷刑吏二
部左右侍郎工部尚書公居官潔廉自刻苦與人交煦煦
可親近遇事可否屹然如山莫能奪主文選鍵戶深居

絕請託有啗之者假他事蜚語中之公不顧也在工部馭
下嚴吏人不敢名一錢值三殿工起公細心經畫手勾稽
出入省冗費數十萬畿南歲荒奉

命賑濟公晝夜巡歷親自俵散全活人無算於是

世祖以公爲果可大用數褒諭

賜鞍馬及

御筆山水圖寵之加少保兼太子太保改吏部尚書數日遂

拜文淵閣大學士兼刑部尚書

世祖聰明天縱羣臣奉職如不及公以爲

聖主在上臣下宜潔已首公奉行

上旨而已益偏偏自持爲百僚宰相三年加少師兼太子太師會

世祖上賓

今上冲齡踐阼大臣枋政公調停宮府鎮靜中外功爲多素
纘密國有大事未嘗告人卽其子弟不與聞故莫得而紀
也九年間一出署吏部篆一給假還里旋復位至

今上親總萬幾公喜曰

上神米符

先帝老臣屬疾可乞骸骨矣抗章求去固請始

上矐念舊臣

下詔徵入自輔公馳至京

陛見條上便宜數事悉嘉納先是公居家夙疾方瘳感

上非常恩強一起至是疾復作

上遣官省脉太醫治湯藥公曰綸扉何地其可卧而治耶復

固請

上始慰留繼知不可強廼許歸寵數視前有加又踰年疾遂

三陽府志 卷之二十一
篤口占遺疏授家人惓惓以

君恩未報無一語及私事蓋自公去位而西南多事上下胥
食議者皆歎公獨先去而又悲其溘焉遽逝老謀石畫不
得盡抒於時而大用之猶未竟也計聞

上震悼

勅有司祭墓如禮易名文清公官四十年爲相近二十年貧
無餘財官京師聽事前湫隘不能旋馬居鄉舊宅一區僅
蔽風雨瘠田數十畝每輸賦時邑令按冊及之未嘗不
息歿後啓其篋惟

賜幣數端而已天性孝友與兄侍郎公周允相篤愛侍郎公
先逝撫其孤台揆若子居常會食必呼與已子同侍左右
推已廕與台揆今官兵部員外郎云或問方藹曰公起官
郎官躋卿貳名績多可紀及爲相雍容坐鎮議論措施不
少槩見何歟方藹曰吁是何子說之固也夫大臣者造辟
而言詭辭而出有嘉謀嘉猷則入告吾后乃順之於外曰
斯謀斯猷惟吾后之德斯大臣之用心也其可與劾一官
矢一職沾沾以功名自喜者同日語耶且今天下何病哉
在士大夫廉耻日偷止知爲一身計而未常少顧國家之

恤非居尊位者力矯其弊而毅然身爲之倡吾未見其底
也公砥節奉公致身宰輔貲產不踰素土可不謂廉乎遭
逢

兩聖不啻魚水之契屬時無事數引疾避位獨以難進易退
之節風 天下其行已之耻又何如哉在易漸之上九曰
鴻漸於陸其羽可用爲儀夫上九居無位之地其高行世
猶仰之公爲 國元臣躬自刻修於上庶幾人人見公所

爲感慕興起回志而易嚮風俗人心其有瘳乎功孰大於
是或無以應公已亥辛丑兩主春官試方藹公所取也

公最深屬公子台瑞請旣爲公傳并書與或人語於後知
我者其不以爲阿私所好也夫

劉氏小件傳

衛台揆

劉氏者曲沃營裏村人也名小件適趙城縣喬國恩喬流
寓沃之楊柳村遂爲縣人也喬故貧窶行牧且蕘或爲人
雜傭保作劉與之同勤苦奉姑舅及七八歲小姑女啖藿
食覈無猜怨以樂朝夕邨人皆賢之一日夫與姑舅俱爲
人傭賃小姑亦從鄰女嬉戲忽有某者伺劉獨處輒潛入
圖汚劉喊而寃者懼劉齧其指而寃者益怒遂持剪刀刺

頸斜穿斷喉比小姑歸家啓扉扉堅不可啓見有人正蒲
伏牆頭求出者亟呼邨人啓扉入則劉已血肉淋漓橫僵
在地矣邨人皇錯或謂列實報牒便或又以爲未便村人
皇錯愈甚有某者持之曰若列實必使滋蔓蔓難已也就
與啗喬以利使自爲飾則事有歸而問并不擾爲便實多
衆大善之遂詒喬以琴瑟不調劉自殺報牒繼而村人役
恐懼游移以爲事露未便再列實公舉而持讞者仍執前
所報飾牒讞決終莫能辨劉死事者南村子曰太史公有
言人固有一死或重於泰山或輕於鴻毛用之所趨異也

若劉氏之死可謂骨朽餘香血化爲碧豈不重於泰山耶
余悲夫皎皎之節湮滅不稱而竟寂寞於悲風淒雨荒煙
蔓草間此何故也予不能無深感焉因嘆世之具鬚眉號
丈夫者一有小善輒沾沾自喜視世之人皆齷齪不足與
語及當小利害則捩尾乞憐嗟咿嚅如脂如膏之態畢
逞以求苟免者比之劉氏持貞剛之志保潔白之行罹患
難亦不肯屈身受辱者爲何如也聞是風者亦可少媿矣
劉氏之死予久欲傳其事讀賈樵嵐先生撰狀得悉其曲
折敢附小傳併白之嗚呼劉氏不死矣又嘗讀靖節詩天

平陽府志 卷之三十六
道幽且遠鬼神茫昧然以爲二語誠然及觀劉氏死事復
有水赤天旱風捲投繯之異又爽然失之不能不疑天道
鬼神之有在也靖節斯言豈憤懣爲謬乎

成赤公先生傳

王恭先

成德字元修號赤公順天懷柔籍山西霍州人崇辛未
進士授滋陽知縣德爲姚宮詹希孟所取士又善文閣學
震孟首揆溫體仁素嫉文姚因不快德崇八年正月十
五日流賊犯鳳陽焚皇陵享殿河按金光宸總河劉榮嗣
俱有急奏上疑淮撫報不至淮撫者楚人楊一鵬病且昵

閣臣王應熊以主司故常優假之引疾不許而巡按吳振
纓者體仁之同里姻家也越三日疏始聞德乃發憤上書
有天變可畏祖陵可涕直指奸輔誤國之罪並陳中外交
結之端仰祈聖鑒一疏畧謂奸輔之私人遍天下故盜賊
亦遍天下災異復遍天下自乙丑有結逆瑞者天報之以
王恭厰之雷甲戌有翻逆案者天應之以盛甲厰之火靜
聽數月無有動杞人之憂而墮賈生之淚者鳳陽之祖陵
隨見告矣臣不覺泣下沾衣曰此巡鳳陽者何輔臣之姻
姪此撫鳳陽者何輔臣之座師溫體仁王應熊尚敢漫天

說謊以欺我皇上耶疏入體仁深恨時充守王國賓以派
餉屬邑有所私德與之力爭守亦恨焉會巡按御史禹好
善者守之同鄉又溫之私人遂承風誣劾得旨逮問德益
抗疏力詆體仁廷杖三十下獄坐贓謫戍陝西莊浪衛德
之戍陝西也過樊橋驛訪故友荆爾樞申悲道舊盤桓數
日而行明年丁丑正月自戍回欲僑居臨晉爾樞爲館於
所親楊應昌家楊故豪俠聞德名禮益恭妻子奔走供設
如司馬德操之降龐德公家又命其子姪宏度執贄受業
卒爲高足弟子德在臨晉著書講學倡明忠孝廉節一時

人士遊其門者比于元禮之登龍焉閱七年遇赦還起補
如臯縣令未任卽途拜兵部武庫司主事尋陞武庫司郎
中德見年來封疆多變人皆隱忍苟活感憤于中有養節
義明廉耻一疏謂宋臣張栻言仗節死義之士當於犯顏
敢諫中求之在朝廷之上有以養之而已又曰今者廉耻
道喪由於賞罰不明死賊者褒揚不亟則媚賊者服狗彘
之衣冠而恬不知愧也言甚激切上爲之動容闖賊犯闕
貽書宮諭馬世奇曰老母舍妹俱在此爭欲先引決弟止
之以慷慨從容二義爲告弟志在爲其難懼變起倉卒無

以自明故復以此相商也及聞懷宗晏駕往東華門外茶棚下號慟觸堦幾死歸寓自盡母張氏及一妹一妾皆縊死南京贈大理寺卿諡忠毅母張氏贈淑人王恭先曰臣子之于君父非可以報施言也然而知此義者鮮矣若德之直節正氣而受杖荷戈身垂死而家喪亡久乃得補郎署國家之于德亦已微矣卒乃臨難捐軀盡室隕命嗚呼難哉

邢讓傳

湯斌

邢讓字遜之襄陵人正統十三年進士改庶吉士授翰林

院檢討景泰元年也先遣使同李實來請和且言將奉上
皇還京羣臣請遣實復往帝難之及遣使竟不及迎復事
羣臣交章請帝命侯楊善回再議讓上言近者羣臣請迎
復上皇封章數上陛下不許豈不以也先變詐不足信歟
如以爲不足信則前此已不必講和矣我之所以和者爲
上皇也不迎上皇而與之和將安圖乎夫天下之事成敗
勢也君子於事不必其皆成惟爲所當爲而已上皇之於
陛下君也兄也迎復之事所當爲也于此不圖臣恐竊中
賊計彼將假大義以爲入寇之端臣未知孰爲曲直也如

從羣臣之請則上皇之回否雖未可必而陛下篤君親之義昭然于天下矣臣又聞兵家以曲直爲壯老我迎而彼不許則曲在彼矣由是而興問罪之師不亦善乎疏入得優旨當時服其忠鯁丁父憂起復進修撰成化二年遷國子監祭酒創立勅諭學規諸碑修國子監通志課諸生誦小學及諸經痛懲謁告之弊人以是稱之五年遷禮部右侍郎七年下詔獄先是國子監例有師生會饌錢相沿日久讓取以新學舍暨碑刻諸費不籍記又不文移有司遂爲典簿王允所私陳鑑代讓亦不察核至是給事中鄭一

等言之掌助教事檢討葉時復許允下刑部請逮讓鑑置
對不許言官交章論劾遂逮讓鑑及司業張業坐監守自
盜論死讓獄中上書言與學士萬安李泰素有隙故倡此
而邱承風奏劾且宣言怖刑部使傳致臣帝命會官雜
治國子生盧楷楊守陞等奮曰邢公振勵學校不私一錢
今被誣吾儕義不可不救於是生徒百餘人詣闕請代下
法司議得免死贖爲民九年卒年四十五讓剛直負才氣
敏于文藝然狹中有所輕重人輒形辭色銳意師道而忌
者軋之卒得禍楷東陽人舉鄉試第一能文章早卒守陞

後官至布政使

文

唐

諭晉隰慈州檄文

馬燧

興元元年八月某日河東保寧奉誠軍行營副元帥北平
郡王燧檄告晉州要君廷珍隰州毛君朝敷慈州鄭君杭
及將士吏等蓋聞率土莫非臣盍念在三之訓明王伐不
敬有嚴討二之刑義士不求生以害仁智者能轉禍而爲
福其畢棄咎咸與維新國家幾葉繼明億年凝命天保以
上采薇以下內撫外從濮鉛以北祝栗以南德洋風普神

旌遽列竄竄咸誅堯治時雍猶有青邱之梗舜仁天幃未
誅丹浦之凶李懷光奮渤海之俘授蒲津之節始謂狙詐
之作使不虞鷹犬之易屬犇命醴泉粗展勤王之績請朝
行闕輒褻犯上之謀猶念前勲屢縻好爵張萌芽於霜雹
悖木水之本原升鸞之謀肆行巢父之使弗返奮二軍而
殲良將剽三老而剪近畿豕心莫悛鴉音不革已復漢京
之日月載揚周旅之霆雷幕府承命齊壇建牙列鎮正正
之旗堂堂之陳莫我敢承赫赫厥聲濯濯厥靈有征無戰
陣侍中率同陝之士韓僕射統邠寧之師唐節度虎視鄰

坊駱將軍熊時鎮國風雲助氣草木爲兵詔參伐以清氛
命招旌而繕怒不踈前茅之過坐成獨柳之誅惟爾三州
之士夫夙被累朝之德澤嶠從處仲適受逆汗遵事隗囂
豈爲賊守鼎魚假息穴兎貼危犯大義者衆必攜作不善
者神弗赦歷數古今所記未聞叛逆獲全惟岳阻兵汔膏
齊斧朱泚竊號亦梟藁街矧茲狄孥敢干天罰犬馬猶有
主覆載不容鱣鯢取以封脅從罔治聖上禹湯罪已文武
行仁凡鳴狐假王之妖首鼠觀釁之將莫不匿瑕宥戾磔
垢滌污雖三子猶存蓬艾之間豈太陽不回葵藿之照尚

式王命共惟帝臣勿相依於輔車以俱焚於玉石倘能洗
心效順解甲來歸勩戲關東疏封帶礪融全河右紀烈旂
常若迷復怙終猶豫不斷蹈干顯戮謚爲至愚豈惟敷虐
多方亦將遺臭千載請擇二者永肩一心耆定爾功復見
弓橐而戈戢式化厥訓庶幾世變以風移檄到如章書不
盡意

宋

玉兔寺古碑遺文

王安石

蓋聞壘土成臺尚獲九達之路聚沙爲塔猶登陸地之功

所以樹立祇園開張淨土棲集四禪之衆闡揚二教之宗
晉州神山玉兔寺者本玉兔觀也地勢平而千村繞梵音
響而萬籟寂東望太行宛延羊腸之衝南瞻天聖依稀龍
角之山始爲墟落塲旋作煙霞地雖非鍊丹之井實爲放
鶴之林大唐高祖初起晉州受命符籙有中使韓兆者因
持瑞節出使參墟北韓繞越於姑山駟牡漸歸於汾水忽
有白兔起於馬前月宮散彩房宿生輝爰爰之步徐自瑤
室而來趯趯之姿不異守株而止感穹靄貺必效殊祥卽
命其徒四面圍逼茫茫禹跡徒追東郭之林廬廬周原突

入中山之穴叫噪之下不知所之使隨還於大鹵卽面奏
於當陽高祖以系屬仙源心存道教方啟卜年之祚正膺
受命之符乃命致祭厥所瀝青崇祀方陳掃地之儀潔白
騰姿又見環山之影旣此雜沓復行奏聞四月五日有命
自天俾於所見之地建立道觀一所卽以白兔爲號青牛
道士尋耕種玉之田紫鳳真人旋駐騖驚之駕高宗麟德
二年四月八日其兔復見本道以聞上又遣中使致祭仍
以白兔爲觀則天萬歲二年正月八日其兔又見履空而
行往來四隅不出觀所或騰或躍寧虞韝上之鷹自西自

東豈避雲中之犬平陽太守杜承衍亟聞其異親往觀之
既非謬傳卽具表奏時則天肇膺寶命初席蘿圖務安四
海之心不暇一方之瑞卽命中使王文泰躬至是郡令以
網羅致之文泰奉敕躬來與郡守致祭其兔又見行跡如
初於是大設罝罟廣張人衆斯兔旣遭角逐旋即東奔我
徒追之不曉而逸暨至神山縣西南隅墟落之地瞥焉罔
從文泰等疑其隱在地中遽命畚鍤掘深丈餘天意人心
果若符會卽於其下獲玉石兔一軀光如皎雪瑩若壺冰
分明蟾窟之形隱約克庖之象文泰等卽時具表獻之於

朝則天以事出非常目爲奇瑞卽命建玉兔觀於神山縣
獲兔之地仍度道士三百餘人俾之洒掃焚修萬歲通天
二年十一月十五日天清無雲四野凝眸斯觀之上忽有
羅漢見身毳衲披躬節杖在手堂堂法相疑從十六座內
分來穆穆睟容訝自五百尊中化出乃語道士蔡仙靈曰
此非置觀之所奈過去世人壽二萬歲時有佛號迦葉當
此之時此地乃白兔寺也吾於此時爲是寺之主由勤進
道得証阿羅漢身汝等亦用前緣得居此地速改觀爲寺
捐俗出家倘能共轉於法輪必得超登於彼岸蔡仙靈等

並聞聖語深悟前因咸辭金闕於鰲頭共禮玉毫於鷲嶺
煌煌羽服朝稱綠髻仙翁楚楚緇衣暮羨赤髭衲子聖者
又語仙靈等曰今平陽太守杜公卽過去之時修白兔寺
之施主也以崇二梵之果故得世爲公侯仙靈等旣受聖
言卽告於杜杜公雖然驚其所述亦未謂之必然乃與仙
靈等同詣珍祠共伸請禱俄而聖者復見威容儼然告諭
之言一如向述杜公知三乘之非謬念佛力之有緣聖一
元年正月十五日始下詔書改觀爲寺仍許仙靈等並祛
冠帔悉度爲僧并賜絹千疋錢一百萬仍勅京都大禪師

仁暎住持此寺割本縣二稅給其所用其後剝度數逾五百長安三年宮車晏駕本寺供給於茲始停自則天聖元年至我朝代數推傳三百載矣然而碑碣未立紀述無聞天聖八年寺僧東京右街講論大德志應以事跡彰明存於藏教欲鋪陳於美實須煥發於好詞以安石隸跡儒林棲心法苑述作之內輩流所推將刻他山俾之秉筆披文相質尚有愧於陸機比事屬辭豈無慚於江氏牢讓弗獲因爲銘曰佛滅度後法付何人藏教有言傳鉢大臣姑山之前汾水之濱塔廟相望輝光日新屬邑神山水深土

厚龍角當前羊腸在後凡刹之內玉兔環走奇瑞殊祥千秋不朽厥兎之見彼汾之西爰爰雪皎趯趯霜迷中山可驗東郭斯齊使者中路茲焉盛兮大唐之季武德麟德二帝垂衣九圍述職珍禽司獸殊方異域史不勝書萃於化國惟帝有命仙祠洞開依依紫府歷歷丹臺王桃旋植董杏尋栽雲鶴驟至松喬亦來萬歲同天年當武后聖者斯見雲中舉手迦葉之遺此非觀有願改珍林備從靈鷲聖初年有命自天爰回玉洞俾作金田星冠盡掛月帔咸捐鐘梵旣作招提宛然赫赫紺園給載三百寶錄如左豐

碑未立粵有苾蕸志行堅密願刻他山永揚真實天聖八年歲次庚午五月十六日

唐

祭霍山文

張說

長安二年月日皇帝使并州道行軍副大總管尹元凱等敬薦酒脯時菓昭告霍山之靈皇帝天覆萬物各遂其性禮乎羣神罔不咸秩獨彼凶虜默啜悖天虐人窺邊猾夏畧無寧歲皇帝哀此黎獻勤於征役憫彼夷落毒於昏暴嘗欲誅其魁首安是番酺寇虐盈稔神人同棄今自送死

并朔近警山陵命將出師龔行天罰惟神炳靈參野作鎮
冀方歆是正眉贊揚威武俾胡馬化爲沙蟲王師衆於草
木獻捷之日昭報神休

祭師曠廟文

袁 皓

吟竄怨桐天其聲乎鏘石鏗金天其文乎擊革鳴絲天其
暢乎匏土之韻天其和乎天有至音寄斯八物先生不生
斯音鬱鬱先生旣生斯音在律嗚呼先生之耳時可求也
先生之心不可得也大哉樂乎先生之無神乎愚固狂而
不可據先生之有神乎愚堅誠而乞其圖先生之耳有神

乎化爲天下之耳先生之心有神乎化爲天下之心古者
可以舒於今然後家家知舜琴

宋

祭堯祠文

鮮于侁

車麟麟兮廟煥煥欽欽兮祠下竿琴兮並奏潔時脩兮虔
祠事璫華爲饌兮抗醴爲漿象簋玉豆兮金鼎煌煌海珍
野藪兮雜錯而致饌神之來兮風雨蕭蕭前驅於畢兮上
有招提羽林爲衛兮虹霓爲旗鳳凰左右兮覆伏蛟螭神
之降兮金輿靈欣欣兮卽壺德難名兮覆幬千萬年之不

志

明

太祖祭告中鎮文

洪武三年

屹立霍州作鎮中央生同天地形勢巍然古先帝王察地利以安生民故祝之曰霍山於敬則誠於禮則宜自唐始加神之封號歷代相因至今曩者元君失馭海內鼎沸生民塗炭予起布衣承上天后土之命百神陰祐削平暴亂正位稱尊職當奉天地享鬼神以統一人民法當式古今寰宇既清特修祀儀因神有歷代之封號予起寒微詳之

再三畏不敢效蓋神與穹壤同始其來不知歲月幾何神之所以靈人莫能測其職必受命於上天后土為人君者何敢預焉予懼不敢加號特以中鎮霍山名其名依時祀神惟神鑒知

祭媯皇氏文

洪武四年

惟神功施於時德裕後世仰瞻陵寢必當慎祀朕有天下首勅所司凡有古先帝王陵寢常加修理以附近人戶看守當年祭祀已著成式尚慮追崇禮有未至故於三年秋

祭特致其嚴神其鑒知

成祖祭中嶺霍山文

昔者奸臣構禍屠害諸王以及於予予不得已以自救賴
皇天眷祐嶽鎮海瀆效靈獲定內難遂安宗社自卽位以
來休養黎庶普天率土均視同仁今安南賊人黎季犛及
子黎蒼驕盈兇悖屢犯邊疆首侵思明府祿州等處地方
予爲寬容不肯興師問罪但遣使取索黎賊巧詞支吾所
還之地多非其舊還地之後復據西平州逼脅命吏又侵
寧遠州地方占管人民殺擄男女邊境之人數年之內罹
其荼毒豈可勝言况安南之人受其禍害不遺一家占城

之地被其劫掠已踰數歲數遣人告諭冀改過罔有悛心
益驕益盛予爲天下之主恭承天命安忍坐視民患而不
之救今特命將出師聲罪致討實出予之所不得已心在
救民豈敢用兵尚念兵士遠行離其父母妻子山川險阻
嵐瘴鬱蒸跋涉勞勤易於致疾予惟念此深用不寧萬冀
神靈鑒予誠悃聞於上帝賜以鴻庥潛消瘴癘大振兵威
早滅渠魁永安遐壤今年七月十六日兵行特遣人致香
幣牲醴先詣神所謹告

景帝遣祭帝堯文

皇帝謹遣太常寺寺丞李希安致祭於帝陶唐氏曰茲者
山西民困極矣加以久旱穀用無成民生罔賴此誠予之
不德所召惟神至仁獨不動憫念乎况素以庇民得祠者
尤當不可緩也尚望廣布霖雨大作豐年非獨予免夙夜
憂惶神亦可隆始終惠譽特攄虔懇專俟感孚謹告

祭韓忠定公文

楊一清

公生西土逸衆之資邁跡甲科給事廷墀論議克於瑣闥
惠政治乎藩維民戴之如父母士信之如著龜霜臺招撫
鎮之績金部守畫一之規正色立朝不矯不隨如麟鳳之

能祥而虎豹之爲威豺狼當路折箠以笞彼嗥而前奮臂
當之傷而罔害神明護持大姦伏法公起則宜薦剡雖勤
召用尚稽意者天念公老不欲煩之以政而公之心亦欲
斂其餘者以爲子孫之貽也今皇御極壽考不遺存問有
敕驛使將之穹階厚廩尊之養之公於是時如玉韞於山
而草木爲之華滋胡天弗祚哲人倏萎八十六齡在他人
爲已足而人之悼公謂未滿於期願帝曰惜哉喪我壽耆
贈以三公卹典厚施忠定易名近歲所稀有子而賢早奮
厥奇位已參於藩伯其所建立尚未可涯子姓詵詵玉樹

蘭枝天之報公庶幾在斯彼大官厚祿或泯焉而腐漸較
之公不啻尺寸之差而已予德不似夙被公知神交心醉
蓋五十年於茲老起督戎於關之西遣使問公少慰我私
手書答我系之以詩予未及復而公之訃已達於京師矣
嗚呼太行峩我汾水瀾瀾瞻望弗及悠悠我思瓣香束帛
重之以辭老成凋謝斯世之悲

祭韓忠獻公文

費宏

惟公鍾兩間之正氣擅一代之精忠才識敏達器度恢宏
不矯以爲異不翕以爲同在諫垣則言論不阿而常存大

體歷方岳則司宣罔倦而茂著勲庸臺省迭進望實加隆
乃掌國計獨念民窮屬世道之多變而權倖之內訌方逞
奸而扇亂且剽虐而哀凶遂抗章而伏闕敢首犯其危鋒
雖卒陷於禍并廢無愧於蒼穹逮聖明之繼統乃鑒燭其
丹衷恩重沾於黃髮秩超進乎青宮胡爲乎天不遺於
老訃忽聞於九重褒卹之典旣優旣備易名之謚以定以
忠公可謂德修諸已而獲報之豐

賦

漢

冀州賦

班彪

夫何事於冀州耶託公以遊居歷九州而觀風亦哲人之
所娛望常山之峩峩登北嶽而高遊建封壇於岱宗瘞元
玉於此邱徧五嶽與四瀆觀滄海以周流

唐

河出滎光賦

呂溫郡人

處乎天者曰漢紀乎地者惟河居上善以利物順朝宗而

致和時否則爲災而獨昏墊運至則呈瑞以叶謳歌豈徒
列四瀆以居貴與百川而隨波者乎當其布德惟新儲慶
茲始濁色旣變榮光乃起乍若燭龍噴焰上騰鍾嶺之雲
又似陽鳥廻翔下落咸池之水增華一代振曜千祀信能
陵晏海而比崇篋浴日而專美時則纖埃不驚和風充盈
大野初霽圓靈始清皎且潔兮孤明不雜煥其炳兮五色
斯呈祥煙斂彩瑞日韜晶掩輕雲而旁屬拂薰風而上征
石磬具瞻孰云其相照一人乃眷自合於皇明庶品昭蘇
衆幽光被大哉有國之慶赫矣爲君之瑞臙臙元黃熠燿

丹翠洞鑒龍宮之人朝見馬圖之字昔後在溫致美化於
陶唐復效靈於我皇先後叶德今古和光比屋觀其自化
遐荒望以來王詎比流景集壇獨作郊天之應赤光照室
空稱誕帝之祥而已哉容有目觀滎河心傾聖日儻餘光
而見及庶幽谷之可出

鍊石補天賦

王起

天何言哉有闕則補持五石而是用俾四時而能取成乎
圓象故資可轉之功定彼乾儀益俟至堅之主所以裨覆
燾仰周普磨礱入鍛成功豈濫於宋人緝綴爲勞至德何

慚於山甫乾道甚明配彼清真類鼓鑄而可致冀穹元而
是營石不能言而助無爲之化天將假手潛因妙用而成
則知媧氏之爲功也體物情立取法志生眇悠遠而求則
象規圓而作程小大寧遺俾隨形以溥博嵯峨不墜皆投
質於輕清若乃斧造呈材神功効技他山以綴象帝自邇
卿雲初觸當碧落以麗乎銀漢同流激清霄而節彼天象
又元石質旣堅究勤勞而日月逝矣成廣大而星辰繫焉
暖積素之湮尚疑苔點降如絲之雨終若溜穿觀夫圓則
九重功惟百煉脊無親而克敬當有道而可見言柔與剛

崇高是將運有徒於晝夜比爲炭於陰陽織女停梭受支
機於河漢荆人抱璞嗟韞玉於穹蒼補之伊何以當其闕
照悠悠於峻極驅鑿鑿於超忽想夫取鍛之日排剛之時
齟齬不安或表艱難之步清明於外猶生錯落之姿正圓
虛之廣矣下長風而淒其是知補上天於鍊石蓋虛實之
相資焉

堯見姑射神人賦

以聖德之崇窅然欽道爲韻

王起

帝堯以成化於萬國歌宣於九德出汾水之陽經姑射之
側峰巒交映若覩神人之形水雪相鮮皆呈

一若

非感而遂應靈而不測何以見不死之庭當至人之域始
其厭宮室出茅茨駕鸞輅建羽旗若光若滅乍合乍離寓
目於巉巖之頂駐驂於沮洳之湄爰按節而至矣乃傾蓋
而望之條而五雲繚繞羣仙縹緲出碧嶺之崇崇臨丹邱
之窅窅瞻童顏之麗綽約則多觀羽服之鮮穠襪非少集
其侶乍謂崑崙之巔狀其居不異蓬萊之表由是哦山岵
嘏天溥旣元覽而旨遠亦高蹈而思深乃曰我以萬姓臣
服八荒君臨蓋天下之至貴亦域中之所欽安知阻茲崖
巘隔彼岑峯有吸風之人遐不可見仰乘雲之客高不可

尋既而儼珠旒端玉藻增肅穆之敬念希夷之道見仙人
之岳岳徒仰高山望鸞鶴之翩翩且輕大寶既而求之不
得瞻之在前念四子而莫來莫往思一人而無黨無偏乘
白雲而何及引黃屋而來旋故能戒於無怠防於未然向
使忘鶉居之性徇龍駕之盛則光宅之德徒聞乎以邀以
造比屋之封詎見乎乃神乃聖我皇明四目達四聰惟神
也愛而見惟聖也感而通不窺仙於飲露不問道於順風
姑射之神未爲盡善陶唐之主未足比崇

明

晉國賦

張鳳翼

粵若稽古晉國廣袤麗於黃墟阻三河於碣石實禹貢之
中都輪逶迤其磅礴經曼衍以平鋪達窳窳而九達亘天
造之雄圖爾其昂畢躔墟參辰應隩滙以揚紆靡以大陸
藝以燭龍倚以鉅鹿北塊沆瀣水陸歎吞蒼虬左抱白菟
右躡元武聳矗鶡火廻翻誠風氣之所宅而扶輿之所庥
於是東跨齊疆南連楚畝西距三秦北窮五國以天門日
觀爲儲胥以雲夢漢陽爲朱闔以紫淵華嶽爲藩屏以黑
水清山爲障塞控八紘封域以居尊羗何擬乎彈丸之一

幅其山則王屋夏屋龍門雁門三嶺三磴九筭九原纍頭
傲斗壺口懸壘砥柱峻嶒而倒清太行截業以蔽瞰又有
銅鍬雷首姑射中條巖峩峩崑崙崑崙崑崙崑崙崑崙崑崙
蓼蓼擁崧恒而作鎮固方岳之所標其水則沁澮沱汾洮
涂泌涑澗灇潞潞潞潞潞潞潞潞潞潞潞潞潞潞潞潞潞潞
而盛漚疏瀹灑於龍渠澹澹潏潏於象谷又有桑乾濩澤嬰
澗平田玉泉金泊石洞所川汪洋漭漭漭漭漭漭漭漭漭
淼漭漭漭漭漭漭漭漭漭漭漭漭漭漭漭漭漭漭漭漭漭
狐插漢巨馬洞崆羊腸九折龍首千尋旣建井陘之隘筭

通句注之陰其勝則董澤盤盂呂梁噴薄峪止鳳凰樓高
鸛鵲五髻現境於清涼四鎮宣威於毳幕其靈則祥開金
鳳瑞應烏龍三峰王氣五日陰夢雩崇候兮霍雨駐姘女
兮停風其異則管涔神劍渥洼天馬朔雷層岷火山紺閭
辣蜿蜒以衝水蜃踉蹌而負野其蹟則穀城苑苑鹿苑芊
芊傳岩迤邐孔轍迺適閭矣西河之室蔚矣綿上之田投
筆之臺未圯煉丹之鼎猶煙此實上遊之寰寓旣溥之幅
幘也由是顯氣瀰漫載亭載茁瑰麗以繁瓌奇以別擅萬
物之晶華表千秋之殊絕則有并刀韓甲屈馬垂琛雲沙

代赭澤錫遼菴廣陽之鐵大鹵之金紛紛籍籍品品林林
若夫冀北之煤連綿大麓斷微呀岩摩肩擊轂五方絡繹
以躋余萬竈斫燠而轉燭河東之鹽漢泆神齋皚皚晶晶
冪冪鱗鱗佐園泉於九府通賈敗於四鄰又若上黨之厘
大河之涘軋札相聞噉啜是比絢藻火與山龍噉鱗鱗及
鰓鯉總興殖於塋區詎噉噉之能齒肆其陂塘潄灌漑通
原隰墾稼穡同名園鍵獵盛圃芬藁蔬則地葦天化霜芹
雪藕鱉蕨鳧葵晚菘早韭芊薤萎葑爰象爰有行白玉於
高山送青絲於織手穀則秬秠糜芑粳粳稻秔禾蔴荏菹

一穗九莖楯穉重穆如坻如京可以實倉箱而穀士女供
俎豆以庀粢盛花則菡萏荼蘼姚黃魏紫芍藥薔薇金嬰
玉藥蓓蕾芳菲含香散蘂蔽雲塢兮森森簇雕欄兮累累
木則槐檀樺栗檜栢椿松桑榆栢檉杞柳桐楓參天溜雨
蔓葍菁蔥滋偃蹇連蹌之勢壯翬飛鳥革之雄果有紫李
黃柑細桃白榛常山之梨安邑之棗馬乳稱猗氏之甘狸
首羨太原之好俱足以敷賁精英而發果蓏之瑤它如白
獾冰鼠赤豹黃貍麋茸貉腋龍骨雕翮玉芝雲母紫石黃
蓄亦莫不猗那是產以蕃動楯之奇至於雉堞雲橫雄關

斗絕玉壘金湯困圖巒嶂軍州地勢以居宇縣大牙而列
鼎峙受降之城延亘防邊之埒魚符所統什伍蟬聯戈鋌
壓地鼓角應天礮礮礮駢駢駢象譯寄鞬之屬靡不
震而警焉聿有朱邸黃扉繽紛匝匝橋駕飛虹臺邀明月
表以晉陽之宮祀以汾陰之闕窮池館暨巖房清冷於不
竭且也珠明魏乘璧重秦城毫散伐山之穎圭呈拔樹之
靈玉馬璘璠而顯昇仙藤馥馥以旌誠此其著者餘物難
名進而求之光岳攸鍾文明鬱起人傑地靈儼鑣績趾聲
施曩負之顏徽潤簣簞之泚爾乃摹馳獨往秀擷羣芳行

純金錫操凜冰霜旣鶴鳴而鴻漸亦虎變而龍翔越侗儻
其魁嶸豈咫尺與尋常故語高曠則薇留孤竹之風松掛
一瓢之月逃三聘於黽池隱十經于於越傲世兮枕流辭
榮兮蒔藥猶聞張果還山王喬跨屨俱彈蛻乎風塵而逍
遙於雲壑文章則賅綜史記玆揆洞林詩託明河之錦賦
稱擲地之金中說敷陳乎名教素馳濬發於靈襟蛛網燕
泥指堂梁而振響落霞秋水度高閣以流音誰不照丹文
而光綠牒穿月脅以貫天心其爲望也忠著程嬰義推張
老智決輔車仁昭結草勒叩缶於相如崇折巾於有道六

龍騰祁藪之輝三鳳煥河東之葆殆煜乎垂景耀於春秋
而秘然播餘馨於品藻也至於孤憤激大節援誓九死重
一言灑龍逢之血遊雉經之魂伏鉏麈之觸甘豫讓之吞
溫序啣鬚而抗劫呼延文體以酬恩凡此剛方之氣亦已
翻溟海而撼崑崙更有應運風雲爭光鼎呂文揚黼黻之
華武奮勛勦之舉若三郤佐軍若五蛇從旅若莢效和鄰
若筆稱良史若狼睥之突陣摧秦若羊舌之周知敖楚咸
彬彬乎麟鳳之儔而洸洸乎干城之侶猶未也六卿旣大
三晉遂分噓以羸燼蒸以漢雲唐風之所被宋德之所薰

其間師師穆穆濟濟芸芸如信陵率五國之師平原高十日之飲侯嬴收卧內之符毛遂脫囊中之穎趙奢解闕於之圍陳筮告華陽之警衍儀前席夫六王頗牧披鋒於四境斯亦畸矣允是雋采星馳雄風電掣西京衛霍之軍功東晉裴王之相業狄梁與薛史同標司馬洎王楊並轡秉燭達旦揭日月於無疆騎尾歸天壯山河於不蔑緊何代乎無人亦何人之非傑又其盛也晉文復國趙武爭盟韓昭修術魏惠徵兵汾澗狐鬼之磊落沙陀亞子之崢嶸當其時屬車秣馬斬藋披荆說咤則觀霆改色指揮則參井

無精莫不業業赫赫砰砰轟轟軒夫非一世之雄哉然猶偏
伯耳蓋嘗覽輿地按冀方歷北河坂溯平陽吊伊耆之休爍
追姚氏之烈光則見堯天永仁舜日常熙四方以宅七政
以釐九州以奠百穀以宜五品以序三居以夷八風以鬯
六府以治封十有二山之崇萬有千歲之基迄於今土
尚謙恭民多醇古恍不識不知之昨一讓畔讓居之度去
華從儉則素題越席之遺也憂深思遠其暑雨祁寒之故
乎於皇哉唐虞作對夏殷繼昌神臯腴藪鬱乎蒼蒼雖巨
鎮雄都未敢望也而何有於僻壤要荒

河渠賦

邢雲路

平陽之地古曰冀州厥田惟中厥賦惟上堯都其中比屋
可封禹治其水井地千里由是地無遺利人無遺力下服
先疇之晦上均則壤之式湛恩汪濊流澤沍滴匪朝夕矣
代之下也陵谷變風氣移壤井地闢草萊於是富連阡陌
貧無立錫不均之嘆千載歔歔苟代耕者不爲之勤民隱
恭民庸殫智竭力通澤勸農則惛惛貿貿之衆其何以識
地利而卽田功哉是故秦關有瓠口之渠漢汾有皮氏之
漑洛井獲龍骨而成鴻噏托神鵠而濟皆因勢利導振古

若是也余小子若憤憤胡一技之有長身祿位而竊素日
痼瘵其盡傷求民瘼而未得疑濟川之無梁乃者天運或
至人事適逢樊生度勢而悉策丁掾稽古而達衷曰我有
田疇莫或治之我有衣食莫或計之乃溝乃洫潞水之利
乃廢乃興惟君之惠余聞言而若害亟輟政而啓之觀河
渠之故道遡前修之定基或穿禦之未幾忽淤潰之無時
乃拙謀以汲井翻斥鹵乎田湄蓋由夫水工之未竟奚以
之永利而堅爲余乃鑒往昔祛因仍排衆咻吊田靈神哉
潞銳意興且原夫潞之發源也平陽之東浮山峙焉出蒙

習坎厥有三泉北則蒼山隱天連岡硃礪八寶盤踞龍角
崢嶸泉飛烏嶺黑水洄潑涌引高梁爭流瀆騰南則神人
崛起嶢岼昂藏巋然靈跡清斯湧沆沙明銑澤照魅飛黃
赤紫流液金水洋洋中則聖王諸峯瀆泉涖涖溜石通溝
厥名浮渭洋屈大石神龍定會懸河西行泓澄溶潏之三
泉者發源若殊合流則一北道遐泉有來殆慄百折沄沄
大石斯入浮渭圖南金水注北三川攸同天潢浚減乃名
爲滂流而不溢爾乃遵長堤之廣壑下高空之建瓴度林
木之翦鬱歷巖瀑之砰礧學逶迤而流緩激泌瀦而湍行

浩乎渺渺湛若泠泠地脉以洩天吳不驚於是乎遇靈區
而有轉爲樊河之上流勢停廻而有待若反顧乎田疇宜
盡力乎溝洫興民利而有休爾乃謀大筮兮廸吉詢老稚
兮協從差令日兮靈辰乃先勞兮鳩工使民以逸庶民子
來經之營之惟河之治是日也程期計力詳費度價喻樂
事之蒸黎乘農功之間暇酌工用之緩急宜莫先於堰壩
於是更水道注別支涸經流出塗泥淤塞去板築宜爾乃
驅數萬之卒徒紛併力而排掘搯鄧林之松筴轉崇巒之
岩石筴參差而阜攢石礪礪而山積愕貽負戴者旁午瞬

睇輪蹄之絡繹若網在綱其有條無傲從康而勇役下笈
石之鱗次漉灰瀝以堅蓄惟剛捷與壘礮日舂相而轟脰
崇度尋而又倍廣十軌而長倍之其上則金堤矗起玉堞
相向爲閘四閉層關疊障雄悍詭嚴中流鬪浪於前則刻
形異獸並坐狻猊鉅牙鈎爪雷吼電睒弭耳奮鬣肅乎神
威若噬百獸若吸長霓蛟龍避之而不敢渡洪水振蕩而
倒回於後則帝命瑤光下爲二鰲規天邊地赤甲蒼毛巨
靈顛顛重戴翬巢五山安峙渤海澄濤於傍則巍峩華表
鬱起東西左蹲浮嶺右夾姑峯倣彿若金莖雙立承仙露

於雲表又若崑崙銅柱擎河漢於天空斯役也匪沉馬與
實壁豈役鬼而驅神宣房忽塞地維以寧盛哉爍平乃命
名厥堰曰千金旣載高堰乃濬長渠邇瞻河壖逖望田區
公旬大興引滂穿涂萬衆咸戾雜遝喧呼趙尉戮力郭幕
均輸相冰屬之理孫力排決而疏通或磬折以參伍隨疆
場之縱橫遭邱陵之駸駸方輸墨之巧功轉轆轤以起土
竭胼胝而戒慵盡力開導乎阡陌漸瀾池而叙工逐曲岸
與橫陂善溝防以淫漑尋地助而罔逆行奠水而理渙分
井連渠塍鏤櫛比田疇之渠以億萬計乃虞夫新渠之口

實爲圓瀨之衝循懸崖之岸岸鑿空洞之磴磴堅土精而
深入積地骨以圓通豈玉泉之乳窟抑壺口之龍宮倏開
闢乎雲霧若吞吐乎躡躑出空洞而北下乃鑿沼於東陂
順圓渠以左轉周曲岸而規爲育以靈藕蔭以新葵碧芷
綴淚垂楊被堤欹連雉堞環抱樓臺蓋象夫朝月之弦半
而徘徊乎天漢之涯空洞而上層臺屹然堂堂耽耽營室
起焉爾乃筮重爻法大壯基崇卑模背向僞羣材授良匠
觀水於瀾乃建有亭重軒三階增城累平葯房荃壁桂棟
蘭櫺璇題銀榜青瑣丹楹應門闕連橑相承奕奕壯麗

鎬鎬章明平臨島嶼俯瞰流泓循虛亭而又上乃起平升
高之坊度漢宮之九子則京洛之顯昌備臺榭之壯觀干
元氣以翱翔踰錦坊而躡蹬遂偃蹇而上躋軼危崖而卻
顧出水雲而居之於是因高躡之岌岌築坻鄂之壘覆擬
冠鰲於滄溟盛瓊瑤之神秀洞四達之石門架五城之飛
構周睥睨之環牆列方連而騰奏爾乃朱樓鬱其特起厥
高立乎天中因壤竒而究材乃巧極乎國工羅疏柱之峙
嶽駕曲梁之飛虹累薄櫺以磔堦翼棹璫以璵璠攢飛欄
以戢香翔反宇而穹窿繡栴叢結乎欒曲枝穿杙杓乎棟

隆爛焉丹青與赭堊輝輝圖雲氣於紫宮重扉敞其四闕
罽罽網於雕櫳越圓淵與方井廼反植乎芙蓉飄瓦萃鴛
羽乎其上帝奇獸噏風雨於虛空樓臺告竣水道可疏乃復
卜穀旦謁帝居擊靈鼉發鯨魚要明神穆將愉靈之來風
雲趨龍神導水德孚爾乃塞假道之支派決經行之舊川
河湯湯其衣注響急瀨以潺湲凌赤岸而盆溢遭金堰而
怒漩闢蛟龍於海嶠捲胥母之潮山昏日月而神銷翻宇
宙而無色吁可畏哉胡爲乎橫暴之極忽回瀾而疊起乃
抑怒而少息於是礧然禹穴窅乎雲門平吞潢漢倒折崑

雷動於地中駭坤維之震割方欲入乎川流忽噴出爲膏
液洞口靈池厥渚惟右次湧廻塘分流通寶月沼瀾漫豐
澤無漏惟盈科而後進乃漱灑而安行六龍毓其並駕載
雲旗之晶熒飛廉從從而扶轄屏翳靈靈而來迎驅豐隆
而呵御翊黔雷以順經流森椎移決灋澄汙濺漬浮波瀆
淪蕩汙滌渙成文淑濇就下其拍岸而相礮也則凜焉洶
洶汾汎漑洌若淵鼓之鑿鑿其飛溜而爭馳也則汨焉濫
濫濺湑湑湑若駛箭之趨疾其擊磊而跳沫也則礧焉礧

磕溜潔輞軋若迸珠之芻芻其淵匯而句矩也則隱焉濇
濇齋溱濇濇若颶風之涸颶其潛穴而潰出也則潤焉溇
溇滅澗溇洶若瀑布之溇溇其遵道而涓流也則悠焉淙
淙瀾漫瀾湏若屬車之輶輶於是醜高渠瀉窰域靈脉通
股引出開合去留瀼瀼濕濕或均遂而蕩溝或舍列而通
湏徒觀其縈紆乎嚙澮之畔灌注乎廣衍之瀆鄰鄰結絡
漾漾紛員界睨脉理町畦綺分千頃斥斥萬井酌酌經陌
滉漾帶阡澗鄰若乃沮溺荷插而雲興鄭白決渠而鼎沸
一決泥而數斗欣且糞而且溉匪從畢而滂沱靡寸壤之

弗漬膏液瀝以滲漉閎澤沛乎淋漓亡汲泉之寫鹵有填
淤而加肥涉楊茭之不暇棄桔槔於井湄其爲勢也勃勃
焉潏潏焉忽焉野馬決其騰踏又忽焉欒槍飛而亂馳溶
溶歷歷焉紛交流之溢目若羽林天軍之散乎虛危朝焉
驚湯谷之拍天日夕焉駭濛汜之湧崦嵫若乃田祖蒸氣
后皇降祥九穀布種五德順方耕耨以時樹藝允臧勤斯
不暨日嘉我降倬彼陸澤北里齊方含秀垂穎罔莠罔稂
油油我黍莫莫我梁禾一稔而二米盛玉粒於金秧雜非
煙而非霧乍雲起以飄黃方胃南之廩積亦實廩乎天倉

斯則水曰潤下土爰稼穡王人重農所寶惟食豈江潭之
產丹礫匪滄海之秘鮫人地出泉以修貢天雨粟而效珍
蓋五材雖紛然其並用惟水德廓其無垠於是春秋受謝
獲刈乃畢露庾如陵家儲惟億朝饗夕殮出作入息瘠土
昔勞沃土今逸俯仰征輸咸於是乎出而蕭茅簠簋亦此
之自實樂事之民咸思報事功歸龍神禮明禋祀余乃帥
阼衆把瓊芳走靈宮肅趨踰抱拊鼓歌浩倡八音會紛滿
堂神翳降續皇皇答神庥惟禱將祝曰粢盛普淖謂嘉禾
之庶蕃也縮鬯馨香謂澗沼之芳蓀也祀事洗腆謂民力

之普存也史正詞而善禱祈錫羨而隕禱亡陰陽之或順
信雨暘之若時屢豐年之穰穰永殷富而宅師惟神歆而
顧德予乃登受乎降福之卮夫然後歷亭臺之層構造樓
閣之高居臨中天而顯敞騁四望之所如覽山川之體勢
察禋祥之有無見華實之蔽野聆歌咏於田廬忽天白其
顚顚流光景之曄曄疑軒翔而無地似顚墜而復躡伏風
樛以潛聽聞雷霆之雪雪靈曜旁轉乾樞下傾浮觀霄漢
逼視天庭朝留雲於南端夕得月於東榮或返照於餞日
亦挹斗於玄冥儵焉低回眎水與雲流而下鏡乎至清斯

蓋仙靈之悠憇匪吾人之所寧對酒當歌霍然長嘯登降
亭臺嬉遊天笑旣弭節兮乃下遂遊目於芳池命楫師與
篙工開畫船於清漪盛清攝之四陳酌玉琬與金疊爾乃
秋蘭繡浦屏風文波錢蓮紫荇珠迸青荷采采芙蓉紅蓮
沂渦錦鱗次色喁喁猗那飛鳬立鷺下上孔多淵客鼓曲
榜人奏歌歌曰哀江南兮稚女兒歌采蓮兮停落暉歌聲
揚兮令人艷一再歌兮令人悲又曰采蓮兮采蓮展轉兮
自憐蓮心兮何苦藕絲兮相牽鳴雙橈而並進乃蕩漿於
中洲張華蓋以輕颺動牙樯而夷猶伐夔鼓之闐鞀吹洞

簫之悠悠八音奏以沸天停高雲而不流魚竦鱗而出聽
翰驚起於灘頭擊飛瀨以砭岩翼颶風之颶颶行里所而
泛泛歷曲折而曲山杞柳蔭塗以曇布蕙蒨夾岸而香浮
若乃合尊促席賓主若仙浮白引滿逸興翩然鳥號落羽
任竿出鮮金羨銀餽以實方圓於焉更滌酌奏新聲楚袖
舞風雨驚同心賦攄至情感馮夷懷湘靈良夜宋宋輕颺
徐徐若浮槎漢若泛蓬壺酣湑式宴其樂只且於斯時也
從流上而忘反憶子輿之明規禮洽情而抑泰宜率履以
不違遂收歡而命駕賦旣醉而言歸然後乃集田父於千

金之堰與之諮稼政計閭閻於時明河燭地皎月光天憂
深思遠交儆在焉願民毋忘勞力之艱而怠若事民亦願
勞心者之毋忘我民暑暍茲河澇利我上腴衣食之府載
濬載瀦沐浴膏澤歌詠勤渠上下胥感矢茲不渝粒我蒸
民永奠厥居

白石樓賦

曲沃志

王九思

紫金自西蜿蜒而來兮吾不知其幾千里夫何旣斷而復
連兮停蓄於此眺巖巒之晴旭兮白石齒齒維謫仙之苗
裔兮字曰仲南挾鬼神之秘靈兮發奇勝於幽潛乃因物

而著形兮錫佳名於詩髯仲曰塵囂全以擾擾兮余其何
堪維茲山之間美兮庶永棲而窮探命公輸兮予爲陟岑
構兮崔巍隣白雲兮古洞瞻幽岑兮翠微山之巔兮瀑布
懸雙溪滙兮樓之孺慨巢父之遐躅兮飲牛之灘釣臺巋
以屹兮憶尚父之垂竿灌我纓兮有磯石可坐而憩兮觀
瀾挑灼灼兮如霞誰避秦兮山之阿仙人降兮何年山有
石兮嵯峨峰崕嶧兮雲卧跨西溪兮石梁之作石梁之作
兮是曰利津雲冉冉而忽變兮油然作霖維霖雨之溱溱
兮白石之陰望美人而不見兮實勞我心吁嗟乎樓中人

兮衣芰荷沆瀣爲漿兮餽胡麻駕風霆兮虹電爲車左王
喬兮右挾浮邱弄秋月之團團兮春雲與遊予老且狂兮
狂不可瘳思遠遊而洋洋兮釀黃河之洪源澆予懷之旣
醉兮槌碎白石之樓

國朝

晉陽吊古賦

袁鏘珩

客從汝海言涉晉江攬山川之窈窕遵修路以微行戒前
驅而弭節爰泚筆以方皇若乃伊唐遺俗叔虞故疆參井
分暉崑崙歎芒路上黨而控平水背雲中而面汾陽頓

竊錯巖邑鱗張藐姑射之仙蹤表西河之泱泱馳何爲兮
縣上竹何爲兮首陽馮今嘅集望古情長爾其五色補天
三多祝主歌帝力哉何有懷明德於神禹城以堯名山因
稷著蒲坂之風流猶存耿都之屢遷非故桐珪兆基獻文
廓祚勤三駕而霸世獵風雨而必赴沱鼉何堅探轂何苦
定筴入關功成一怒斯皆彪炳古今龍飛九五雖寶籙其
代膺亮非德而不舉若夫心勞寅亮績赫旬宣夢開風后
鼎燮巫賢嘉胥靡之纍纍美龍逢之拳拳從公于亡歷年
周旋維午與孳又何擇焉武子之德在人鄒伯之膏如天

豫讓之伏劍永恨嬰白之存孤獨全彼斗南兮一人繫安危乎
卅年眷馮君而矢歌何驄馬之翩翩欽異人於潞國溯司馬于涑川
董狐有良史之稱博陸有負展之肩伊文武其兼備固在昔而云然
于是將畧則衛霍尉狄吏治則尹張鄧賈元鎮則氣壯本朝仁叟則清聞
天下握籌而智勇屈抗旂而天威懾犇敷而輦轂清化布而枹鼓寢暨乎
子師之志服王室鉏麋之身全君命干木二王之節褒玠古弼之諍
周黨仲塗之高義彥方伯道之至行閔仲叔之清介王懷祖之雅正
表聖許繇之風致恭楷叔寶之雋令

王武子之豪爽自負冀大夫之伉儷相敬郭有道之洛浦
仙舟裴行儉之人倫藻鏡趙景真之孝友醇正關亭侯之
忠義天性流縹囊光竹素以照曜人寰者盛矣至乃經世
大業權輿卿雲彈琴歌風阜財解慍爰及春秋郁郁紛紛
辭令之美厥惟行人范張舌在縣河致君敦師說禮未易
殫云登高掇藻遇物抽芬樸而不陋質有其文自秦徂漢
是惟龍門續往聖之墜緒成一家之微言爲廿史之領袖
藏名山而特尊爾乃四宋一門獨絕雙溫奕葉相望王氏
以樹珠爭妍薛家以鳴鳳發祥仲淹以祖孫鵲起無功以

兄弟雁行景純入室柳州登堂三孫鍾美二裴流芳盧侍
御才子之譽郝佐治七日之狂柳洗馬之落葉亭臯薛中
書之燕泥空梁或凌顏極贊或援莊便忤或團扇致慕或
枋頭見怒或蠶室幽囚或炎瘴屏戎或第宮嬪而飛翰或
吊帝子而搥賦或擲地而金石鳴戎援帙而詩畫具要皆
亭亭於書記琅琅在耳目筆落而風雨驚文成而鬼神哭
信東南之多才會何足以髣髴其萬一者乎乘保障之雄
雉想尹鐸之風烈聲登樓而舒嘯羌聞聲以淒絕奚竹馬
之邈然望野亭而且泊諸君子兮遭愛詒士女以利樂豈

芳躅之難繼何清風其若削愍蜚鴻之滿野冀美人兮可
作車溢載而終覆舟非水其焉度旣皮骨之不存問有毛
將安附緬隋秦之已事尋前軌而不寤物有生而必敝器
無成而不毀胡回道人之踪跡閱數百載而長視輕清積
而爲天寧玉棺之可墜曷喫水而爲蹇又疊置乎巾笥誠
僊家之瑰麗非恒理所思議卽鷗鳥天勒虎猶老僧之餘
事瞻五峯于雲漢固文殊之居也索夏屋其焉在哀代王
之^缺殊遇過大陵而延佇帳鼓瑟者何其捫篆書于石室
將焉從而辨之嗟柳溪兮何柳悲杖華兮奚華避暑之宮

露泣教子之宅月斜趙襄之祠風咽漢文之殿雲賒唯是
管涔句注臯落呂梁麓臺隱泉狐突羊腸邇共四關汪鵲
遙偕恒白翱翔旣曾嶼之柯藪亦複嶺而髮紫每輿殆而
僕煩倦游子之宵征車不得方軌馬不得竝騎憶李客之
險語歷其地而非欺乃有竒葩異卉延阜被崗輪囷古樹
蔚乎蒼蒼瑪瑙黃鼠龍骨麝香花斑之石石花之魚羊羔
清醕葡萄紅醺鶴觴相餉千里不渝人獲天花厥產則殊
猷蓋蓋之佳氣蔽日月以交虧胖蠻之所式馮羣帝於此
乎祝釐若其原清漳枕桑乾泉淖沱表居延川標妒女之

名津錫君子之號殊塗岐趣齋溱皐北彌紫塞西接白
羊孰三河之可捐允人謀之不臧陟李陵之舊室顧長城
而太息未二世而忽諸駭築怨以何益慕蘭生之英偉睨
虎狼而定畫壞武安之干城墟邯鄲于一擲淒風起兮吹
余裳揖青塚兮瀝酒漿蛾眉入宮兮卽嫉荃何悲兮王嬙
旋余軫兮南指憇吾馬兮汾之渚業衆山以淪胥兮慶獨
存此萬戶昔騶虞之仁獸兮吁嗟睹茲白峪訊溫泉之湯
湯兮土人謂余以前游卓卜商之遺風兮家弦誦而在茲
賸老馬以歸阜兮識仁者之所爲伊文侯之賢智兮蹇於

此乎相師噫在德而不在險兮繹吳子之好辭驚義棠而
警策兮戾敝郡之末垂竦太嶽而仰止夏楊侯之故墟遠
哉復乎茲邦之舊也固乃唐虞之所分夏商之所都澤
洽而允若皇風扇以穆如謂宜戶口駢闐婦子隱賑路無
一家之哭河有九里之濶旣而爰諏邨塢載巡田廬街里
蕭條原隰荒蕪居民星散土著雲流轉而四方蓬振萍浮
頽壁圯垣彌莊連屋黃髮髯傷心慘目其朱扉丹楹宦
邸佛龕叢芮於城內外者蓋百不處夫二三於是咨交城
裹維藩思賢王挹襄垣詢陽曲而悼山陰仰西河而想懷

仁徘徊別館惆悵離宮雉雅雝於春陽狝鼠嘯乎秋風何
黍麥之油油而余懷之沖沖乘風移兮誰家瓦礫積而成
邱鞠中唐爲茂草五廟餒而焉謀夫歷數之攸歸于何尤
乎狡童况有君而無臣非所望于羣工看銅駝之零落則
將安庸彼百爾同燕雀之媿煦竟陵遲以至此爾乃寄愁
行憑曠然遠覽南則中條雷首之林岑王官卧龍之嶺崑
崙崑嶸嶸乎平陸孟門巖巖乎北屈蒲歷九原之鬢侍悅
從倚以若近喬翔五老之屏植儵驟眇而欲遠厥有跂者
卧者夷者俛者醉者怒者沐者莞者端笏者欹器者虎挐

者虬躩者鵠蹲者梟矚者莫不峙翠橫靄他他籍籍犇驛
而思媚乎几案其左則汾水膠洟于內黃河濺滴于外龍
門堯兕賦湍驚瀨巨靈鼉鱗掌華未艾蛟彪于焉變化風
霆之所澎湃汨汨漉漉莅莅沛沛瀕溶澶活汾汎訇礧竭
欲清而引濁滙細流以成大若泌若晉若絳若滄若雷董
若馮汭雖支分而派別咸朝宗而來會葭莢晚曖兮淶湄
菱藻纂歷兮翠面固瓌奇之叢藪而鱗甲之隱見萬族千
宗更僕未終者矣其中有鹽池焉穆天子八駿之所騁蚩
尤氏覬覦而降災者也踞安邑跨解梁周袤蓋百四十里

以有奇當夫赫曦中天纖雲不興南風徐來波皺紋縈
丁蟻集厥寶告成粲兮連貝纍兮貫珠以天地爲鑪冶故
獻奇于須臾佐縣官之大計爲秦豫之所需異烹泉而煮
海疲人力之勤渠于東則地勢決軋千里歛陬囂太行之
棧齮宜尼父之迴車升彼巔矣沁水潏潏黎侯潞子故國
在焉睎余髮兮搔首空鳥啼兮荒煙膏吾轄兮焉如倏而
過兮長平日晡晡其將暮兮馬驕嘶而不行風雨濛而晝
冥兮或告余以哭聲唉暴秦之不仁兮內冊萬人于一坑
彼括庸其奚誅兮蒙獨怪夫王之不明奪老成而售讒慝

兮令豎子以成名紛余旣懷此不平兮盍選勝而命觴相
羊乎寥廓之域夷猶乎莽曠之鄉於是乎任父觀魚獠子
從禽挾彈入山振鐸臨深候鴈張兔命鼈鱉魴差鱗接翼
克厨盈庖于是膳夫拭砧有晃鸞刀以脰以潛以膈以鮓
絮以蘓菽壘以薑棗清飮外越紅鮮內保于是徒御連而
染指賓友翩其來臨燕胥樂只吹笙鼓琴衆屬厭而且斂
旋避席而沈吟願以小人之腹置諸君子之心爾乃拂襟
危坐正容凝思顧瞻周道如渴如饑幸徽音之未沫度典
刑其在斯猗箕山之耿潔而不諒于逆旅苟余行其信芳

又何有乎時俗之齟齬質虞芮之間田感姬化而不耕柰
末流之如驚眇錙銖以必爭噎雨雪之重陰塗何從而或
可審動息之攸宜思古人而獲我

三陽府志

卷之二十三

七

辭

明

霍山辭

并序

何景明

司農公致爲臣而去或曰司農公致爲臣必不豫懷忠獲
疑修正被斥此屈子所以憂離感憤而賈生所以悼毀也
或曰否不然枉直善惡厥道不同君子要之善且直而已
不論夫合不合也故忠臣不責信于君正士不責親于人
司農公致爲臣胡爲弗豫間日汝南何景明往造公視其
體腴然其度于于然不異平居也徐察其色黝然顧若有

伏憂者于是景明述或人之言告之公曰夫臣者以誠奉職以道愛君不克其職則耻不得其道則止今予思克厥職而道不得以罪遣足矣然疇昔之夕予靡靡寐起游思纚纚有揆皇度或省而反予者胡爲豫胡爲弗豫或人知予哉景明循階將退公曰行止進退命也豫不豫人也人如命何予晉產也晉之鄙有山焉曰霍山霍山者晉鄙之鎮也其下沃渠衍拓可田而食豐樹樹構可蔭而息而剷窪躋阿可以構而處也吾逝矣安知人間有豫不豫也景明乃爲霍山之辭歌以壽公辭曰巖巖霍山之窪穹兮奠

彼晉埜左屬太行蒲阪委陀兮襄陵嵒嵒而在下雲之興
兮霈霈望佳人兮容與嫋嫋兮秋風芳卉兮已摧虎豹兮
咆哮猿嘯兮又哀山中兮寂寥佳人兮胡不來桂樹生兮
何檀檀霜霰下兮夕以寒叢薄兮蒙密瀼沔兮潺湲鳥萃
兮翼翼獸伏兮般般鴟隼不可以共厲兮佳人歸來兮延
年

